



Province of the
EASTERN CAPE
EDUCATION

LEFAPHA LA THUTO LA KAPA BOTJHABELA

KEREITI YA 11

PUDUNGWANA 2011

SESOTHO PUO YA LAPENG - PAMPIRI YA BORARO

MATSHWAO: 100

NAKO: DIHORA TSE 2



Pampiri ena e na le maqephe a 7.

DITAELO HO MOHLAHLOBUWA:

1. **Pampiri ena e arotswe DIKAROLO tse THARO, e leng:**
KAROLO YA A: Moqoqo (50)
KAROLO YA B: Ditema tsa kgokahano tse telele (30)
KAROLO YA C: Ditema tsa kgokahano tse kgutshwane (20)
2. Bala ditaelo TSOHLE ka hloko.
3. Mohlahlobuwa o lokela ho araba potso e le NNGWE karolong e nngwe le e nngwe.
4. Qala karolo e NNGWE le e NNGWE leqepheng le LETJHA, mme o sehe mola qetellong ya Karolo ka nngwe.
5. Mohlahlobuwa o tlameha ho etsa moralo wa ho ngola, mme a be a lekole botjha mosebetsi wa hae ka ho bala hape, ho o nahanisisa le, ho o hlaola diphoso. Moralo o etswe ditemeng tsohle. Mohlahlobuwa o tla abelwa matshwao bakeng sa ho ela mehato ena hloko.
6. Meralo yohle e totobatswe hantle hore ke meralo, pele ho hlahiswa tema e ngolwang.
7. Mohlahlobuwa o eletswa ho sebedisa metsotso e 80 ho araba KAROLO YA A. metsotso e 40 ho araba KAROLO YA B le metsotso e 30 ho araba KAROLO YA C.
8. ELA HLOKO: Ngola sehlooho se loketseng seo o se kgethileng, kapa seo o iqapetseng sona meqoqong eo ho sa nehelanwang ka dihlooho ho yona.
9. Ngola ka mongolo o makgethe o balehang ho bebofaletsa motshwai ho tshwaya mosebetsi wa hao.
10. Bolelele ba ditema tse hlahiswang e be:
KAROLO YA A: Moqoqo -mantswe a 400 – 450.
KAROLO YA B: Ditema tsa kgokahano tse telele - mantswe a 180 – 200.
KAROLO YA C: Ditema tsa kgokahano tse kgutshwane -mantswe a 100 – 120.
11. Tsepamisa maikutlo haholo mopeletong le popong ya dipolelo tse nepahetseng.

KAROLO YA A: MOQOQO

Kgetha sehlooho se le SENG mme o ngole moqoqo wa bolele ba mantswe a 400 – 450. Hopola ho etsa moralo wa hao, mme o boele o lekole mosebetsi wa hao botjha ho hlaola diphoso.

- 1.1 Matsatsing a kajeno ha ho sa na phapang hara banana le bashanyana. Mehleng ya kgale, bashanyana ba ne ba fumanwa naheng kapa masimong, ha banana bona ba ne ba fumanwa malapeng ba etsa mesebetsi ya malapa. Ha se ha ngata moo o neng o ka fumana banana ba le mmoho le bashanyana ho nowa majwala kapa hona ho tsujwa kwae, jwalo ka ha ho tlwaelehile mehleng ya kajeno. Tsena tsohle di a makatsa. Ngola moqoqo o phetang ka diketsahalo tsena le ditlamorao tsa tsona. Sehlooho sa moqoqo wa hao e be:

BOPHELO BO FOSAHETSENG

[50]

KAPA

- 1.2 Boha setshwantsho sena se ka tlase, e be o ngola moqoqo o itshetlehileng mohopolong wa sehlooho o qholotswang/hlahiswang ke setshwantsho sena maikutlong a hao. Se lebale ho iketsetsa moralo. Iqapele sehlooho sa hao.



[E qotsitswe ho move magazine ya 16 Phupjane 2011]

- 1.3 Sekolo sa heno se ne se kenetse tlhodisano ya dingangisano(dibeiti) tsa Porofense. Le ile la ba la fihla ho makgaolakgang, le ile la hlolwa. Ha o hetla morao, o bona diphoso tseo le di entseng. Ngola moqoqo oo ho wona o hlahisang diphoso tseo o bonang le ile la di etsa. Sehlooho sa moqoqo e be:

TSEO E BILE DIPHOSO TSA RONA TLHODISANONG EO YA DINGANGISANO.

[50]

KAPA

- 1.4 Metseng le metsaneng batho ha ba sa phela ka bolokolohi ka malapeng kapa dikgwebong tsa bona ho tshwana feela. Bosiu le motsheare ba nkelwa thepa ka mahahapa ke ditlokotsebe. Ditletlebo di a finyella mmusong, empa ha o etse letho ka seo. Wena ha o dumellane le hore mmuso ha o etse letho ka seo. Ngola moqoqo oo ho wona o tshehetsang ntlhakemo ya hao. Sehlooho sa moqoqo:

BOTLOKOTSEBE LE BOTLATLAPI HA SE DINTHO TSE LOKETSENG HO DUMELLWA KE MMUSO.

[50]

KAPA

- 1.5 Afrika Borwa e shebane le bothata ba tlhokeho ya mesebetsi le bodulo. Sena se bakwa ke bongata ba batho ba mona le tshubuhlellano ya matswantle. Batho ba fallela metseng ya ditoropong ho batla thuso, empa ha ba fihla teng, ha ho jwalo. Qetello ya sena e ba dintwa pakeng tsa matswantle le Mafrika Borwa. Ngola moqoqo oo ho wona o hlalosang mathata a bakwang ke tlhokeho ya bodulo le mesebetsi. Sehlooho sa moqoqo e be:

THAROLLO YA KGAELO YA BODULO LE MESEBETSI AFRIKA BORWA.

[50]

KAPA

- 1.6 Mehlang ena bana ha ba sa bapala dipapadi tse tshwanetseng bana ba Basotho. O tla fihla bana ba shebelletse theleleshene bosiu le motsheare kapa ba duletse ho pepetana le diselefono. Banana le bashanyana ho tshwana feela. Tsena tsohle di qetella di kentse maphelo a bona tsietsing. Batswadi ba bang ba kgahlano le sena ha ba sa tsotella taba ena. Ngola moqoqo oo ho wona o tshehetsang mahlakore ka bobedi. Sehlooho sa hao sa moqoqo e be:

TSE NTLE LE TSE MPE TSE TLISWANG KE THEKENOLOJI

[50]

KAPA

- 1.7 Boha setshwantsho sena se ka tlase, ebe o ngola moqoqo o itshetlehileng mohopolong wa sehlooho o qholotswang ke setshwantsho sena maikutlong a hao. Se lebale ho iketsetsa moralo. Iqapele sehlooho sa hao.



- 1.8 Setjhaba ke setjhaba ka meetlo ya sona. Merabe e mengata e lahlile meetlo ya sona. Basotho le bona ba ntse ba tloha ha nyane ha nyane meetlong ya bona. Ka ho etsa jwalo setjhaba se senang meetlo se a timela. Ngola moqoqo oo ho wona o pepesang karolo ya bohlokwa e bapalwang ke meetlo setjhabeng sa Bosotho. Sehlooho sa hao e be:

BOHLOKWA BA HO BABALLA MEETLO LE BOTJHABA BA BASOTHO. [50]

MATSHWAO OHLE A KAROLO YA A: 50

KAROLO YA B: DITEMA TSE TELELE TSA KGOKAHANANO**POTSO YA 2**

Kgetha mme o ngole tema e le NNGWE ya bolelele ba mantswe a 180 – 200(dikahare feela). Hopola ho etsa moralo wa tema ya hao, mme o boele o lekole mosebetsi wa hao botjha ho hlaola diphoso.

- 2.1 Bophelo ba matsatsing a kajeno bo hlile bo sehlohlolong. Batho ba bangata ba ikgannela makoloi a bona ba sa tsotelle maphelo a ditaaso. O tla fumana ditaaso haholo baithuti ba dulang ba thulwa ke dikoloi moo ba tshelang teng. Ngola LENGOLO o ngolle Lefapha la Dipalangwang la setereke sa heno le kopang thuso ya molaolasephethephe the ho ka phema dikotsi tsena. [30]

KAPA

- 2.2 Ha o ntse o bala koranta ya motse wa heno, o kopana le phatlalatso ya sekgeo sa mosebetsi wa bolebedi khamphaneng ya balebedi. O na le tjheseho ya ho etsa mosebetsi ona. Etsa LENGOLO LA BOITSEBISO (CV) ya hao eo o tlang ho e romela khamphaneng eo. [30]

KAPA

- 2.3 Ngwaneno o ne a robetse sepetlele sa motse wa heno, ka bomadimabe o ile a fuwa meriana e sa nepahalang ho ya ka ditaello tsa ngaka. Ngwaneno o ile a idibana ka mora metsotso e se mekae a nwele meriana eo. Tsena tsohle di etsahetse ka pela mooki eo a neng a mo fa meriana eo. Ketsahalo ena ha e a le thabisa le le lelapa. Ngola PUISANO e pakeng tsa hao le motsamaisi wa sepetlele. [30]

KAPA

- 2.4 Sehlopha sa mmimo sa sekolo sa heno se hapile kgau ya boemo ba pele ditlhodisanong tsa mmimo tsa naha. Mokgatlo wa sekolo wa baithuti oo wena o leng modulasetulo wa ona, o kopile hore o etse PUO eo o thoholetsang sehlopha ka tlhola ya sona. [30]

MOTSHWAO OHLE A KAROLO YA B: 30

KAROLO YA C: DITEMA TSA KGOKAHANO TSE KGUTSHWANE.**POTSO YA 3**

Kgetha mme o ngole tema e le NNGWE ya bolele ba mantswe a 100 – 120. Hopola ho etsa moralo wa tema ya hao, mme o boele o lekole mosebetsi wa hao botjha ho hlaola diphoso.

- 3.1 Wena le ngwaneno le etetse ha malome wa hao Lesotho. Le se le qetile matsatsi a mabedi le le moo. Ngola POSEKARETE eo ka yona le tsebisang batswadi ba lona ho re le tsamaile hantle. [20]

KAPA

- 3.2 Abuti wa hao o ne a sebetse, mme jwale ke lehlatipa la ho fokotsa ha basebetsi khamphaneng eo a neng a sebetse ho yona. Ka tsebo eo a e fumaneng moo, o rera ho iqalla kgwebo ya ho etsa ditene tsa samente. Mo thuse ho etsa PAPATSO ya kgwebo eo ya hae ya ditene. [20]

KAPA

- 3.3 Le le baithuti ba kereiti ya leshome le motso o le mong (KEREITI 11) le etetse motse wa Qwaqwa ho ya bona tsa botjhaba ba Basotho ba phelang motseng oo. Leeto la lona ke la matsatsi a mahlano. Ngola BUKATSATSI/DAYARI eo ho yona o ngolang diketsahalo tsa letsatsi ka leng. [20]

KAPA

- 3.4 Lelapa la Rakgadi wa hao le etsa mokete wa kamohelo ya mora wa bona ya neng a ile naheng ya Amerika, ho ya ntshetsa dithuto tsa hae tsa bongaka. Lelapa le o kopa ho etsa karete ya MEMO, eo ho yona o memang mosuwehlooho wa sekolo seo a neng a kena ho sona ha a etsa dithuto tsa hae tse tlase. Mo meme ho tla ba sebui sa letsatsi. [20]

MATSHWAO OHLE A KAROLO YA C: 20

MATSHWAO OHLE A PAMPIRI ENA: 100